




作与须吐弃凡近从心花中结撰出来可爲
商不妄於此作未久随手撰括考一草之潤
之筆未爲今作

詩鐘



夫子之得邦家者所謂立之斯立道之斯行綏之斯來動之

斯和

形聖人德化之神有擬議不能盡者焉夫未得邦家德化之神不見也觀立道綏動之效非有擬議之不盡者乎且自來德化之盛

涉易常

可以一言盡者必非其至焉者也即不可以一言盡而必待我一

人言之都猶非其至焉者也化之至者不待我言之早已先我言

之不特先我言之且舉古今來教養之方歸服之效累言之而若
不能盡言之一如虛懸其盛不得一人以實之也不謂當今世而
吾夫子出焉夫子不可及猶天不可升夫子不誠一天哉今夫天
栽培化育妙因材也風雨露雷皆至教也休養生息愛戴而莫可
名也變化裁成鼓舞於不自覺也天之德化不可測而謂聖之德
化有可盡乎天之德化有可形而謂德之德化莫可狀乎所慮者

未得邦家耳。雖有豪傑，不能無所憑而興。雖有聖賢，不能無所藉而治。儒者門庭不出，而謂斯世之困苦顛連，俱於我乎？養欲而給求也。其誰信之？然而其理不爽也。補苴張皇，末世之所為，非盛世所尚。驩虞荀且，霸功之積習，非王道所宜。吾人斧柯初假，而謂此日之攬轡澄濤，胥於我乎？風移而俗易也。又誰信之？然而其效立至也。所慮者，夫子未得邦家耳。今夫民之生，不可無以植之也。是

宜立民之心不可無以啟之也是宜道民之身家性情不可無以
安樂而振興之也是宜綏與動立欲其立也道欲其行也綏欲其
來也且和也然而有難焉者播穀敷教虞廷不合為一官黜幽陟
明考績必遲之三載是知盛治無近功非一手足之烈一朝夕之
故也而謂立道綏動之隨施而隨應也則難兩朝揖遜有苗猶動
徂征四海清明小腴尚滋不靖是知聖明有遺憾七十載猶慮倦

勤百餘年立興禮樂也而謂立道綏動之一應而無不應也則尤
難雖然所慮者吾子未得邦家取設焉以縫掖之躬而上躋乎袞
冕以筆削之責而實見諸賞刑將見百年必世之說未足方茲神
速也期月三年之效猶屬寬其程途也得位於斯即成材於斯也
服教於斯也愛戴於斯而鼓舞於斯也夫子所以韋布紹帝王之
統而上下與天地同流者其斯之謂乎其斯之謂乎

賦得使季路為執金吾得吾字五言八韻

漢世徼巡重剛強仲氏符使為宜季路自執此金吾緹騎原

相屬車裘共不誣知方除兩困墮邑有紀三都善政成忠勇宏

網憶治蒲試拈光武語奚愧聖人徒獄折真能吏軍行起遠

圖談諧推曼倩捍衛在雲衢